

Kommuneqarfik Sermersuumi eqqakkat avatangiisimut ulorianartut peerneqartarnissaannut

MALITTARISASSAQ

SIULEQUT

Inoqutigiit aammalu Kommuneqarfik Sermersuumi sunilluunniit inuutissarsiortunit tamanit eqqakkat avatangiisimut ulorianartut suliarineqarnissaannut peerneqarnissaannullu aalajangersakkat malittarisassami uani aalajangerneqarput.

Atuuffia

Mallittarisassaq Ittoqqortoormiini atuutinngilaq. Eqqakkat avatangiisimut ulorianaatillit Ittoqqortoormiini peerneqartarnissaannut malittarisassat ilanngussaq 7-imi allassimapput. Malittarisassaq aamma Ivittuunut aamma Kangilinnguanut atuutinngilaq. Ivittuuni Kangilinnguanilu igitalerineq eqqakkanillu peersisarneq Kalaallit Nunaanni sakkutooqarfiup Grønlands Kommandop aamma Ivittuut Kommuniata akornanni protokol-lit/suleqatigiinnissamik isumaqatigiissuteqarnikkut iluarsineqarpoq.

Siunertaq

Kommunip eqqaaveqarfiini mingutsitsinermut ajornartorsiutit pinngitsoorniarlugit eqqakkanit allaniit eqqakkat avatangiisimut ulorianartut kinguneqartumik immikkoortiterneqartarnissaasa qulakkeerneqarnissaat malittarisasami siunertaavoq.

Erseqqissaaneq

Eqqakkat avatangiisimut ulorianartut katersorneqassapput Danmark-imilu avatangiisimut isumannaatsumik suliarineqarfissaannut nassiunneqassallutik. Taamaattoq uuliakoq ikuallaavimmi nakkutigisamik ikuallanneqartassaaq.

Inoqutigiinnit illunilu atukkanit eqqakkat avatangiisimut ulorianartut ilaatigut makkuupput: illuni atukka-neersut kemikalit sinneri, batteriit, uuliakut, qalipaait sinneri, terpeniina, igitat elektroniskit, nillataartitsi-viit/gerititsiviit atortullu allat tamarmik immeqqjissinnaasunik batteriillit.

Inuutissarsiortunit eqqakkat avatangiisimut ulorianartut ilaatigut makkuupput: uuliakut, kemikaliamit eqqakkat, silisinermi pujoralaat asbestitallit, eqqakkat tungmetalillit, nakorsaatinut eqqakkat, igitat elektro-niskit, nillataartitsiviit/gerititsiviit batteriit tungmetalillit aammalu poortuutit uuliamik kemikalianilluunniit ima-qarsimasut.

Nakorsaait igitat immikkoortillugit suliarineqassapput napparsimaveqarfimmuut nakorsiartarfimmulluunniit kommunip innersuussaanut tunniunneqarlutik.

Igitat qaarsinnaasut immikkoortinneqassapput politiinullu tunniunneqarlutik.

Eqqakkanut avatangiisimut ulorianartunut aqqiinerit

Kommuneqarfik Sermersuumi innuttaasut suliffeqarfiillu tamarmik malittarisassaq aqqutigalugu eqqakkanik allaniit eqqakkanik avatangiisimut ulorianartunik ilanngussaqannginnissaminnut pisussaatinneqarput. Illuni inoqutigiinnit eqqakkat avatangiisimut ulorianartut ilanngussaq 1-imi aqqjissuussinernut taaneqartunut tunniussisassapput, suliffeqarfiillu ilanngussami 2-mi aqqjissuussanut taaneqartunut tunniussisassallutik.

Suliffeqarfinnut immikkut ittunik piumasaqaatit

Suliffeqarfinni eqqakkat avatangiisimut ulorianartut uninngatinnissaannut immikkut ittunik piumasaqaateqar-poq; ilaatigut eqqakkat avatangiisimut ulorianartut pitarneqarsinnaanngitsunik allequtserlugit ussissunullu poorlugit uninngatinneqartassaput – ajornanngippat pisiarinerani poorisaani. Poortuutit suut atorneqarsin-naanerinut kommune piumasaqaateqassaaq. Eqqakkat avatangiisimut ulorianartut taamatuttaaq eqqakkat suunerinik immikkut ittunik kodinik nalunaaqutserlugit poortorsimassapput. Atassuteqartunut kodinut normu-nut allattorsimaffik kommunip tunniussinnaavaa (suunerinut normu, eqqakkanut sorlernut atanersoq uloria-nassusaalu). Eqqakkat avatangiisimut ulorianartut akuttunngitsunik tunniunneqartassapput, taamaallitutik suliffeqarfinni ataasiakkaani eqqakkat avatangiisimut ulorianartut amerlavallaalinnginniassammata.

Eqqakkanut avatangiisimut ulorianartut peerneqartarnissaannut malittarisassaq

Taamatutaaq inuutissarsiortut avatangiisimut ulorianartunik igitassaatillit eqqakkat suunerinik annertussusaannillu paasissutissanik kommunimut nalunaarutiginninnissaat pillugu immikkut ittumik piumasaqaateqarpoq. Aammattaaq inuutissarsiortoq eqqakkanik avatangiisimut ulorianartunik kommunip aaqqissuussaanut tunniussinermini suunerinik immikkut ittumik immersugassaq tunniussinermi tunniunneqartartoq atorlugu eqqakkap suuneranik paasissutissiissaaq.

Immikkut akuerineqarneq

Inoqutigiit kommunip aaqqiissutaanik atuinnginnissaannik immikkut akuerineqarsinnaanngillat. Suliffeqarfiit allatut eqqakkanik avatangiisimut ulorianartunik suliaqarnissamut peersinissaminnillu akuersissummik qinnuteqarsinnaapput. Tamatumunnga piumasarineqarpoq, avatangiisimut isumannaatsumik suliarinerisigut peerneqarnerisigullu ingerlassasoq aammalu annertussusaat kommunip aaqqiissuteqarfigisaanni pisinnaasanut atorneqartunut sunniuteqaataassanngitsut.

1. Siunertaq

- 1.1 Malittarisassap Kommuneqarfik Sermersuumi illuniit inuutissarsiortuniillu eqqakkat avatangiisimut ulorianartut peerneqarnerisa, eqqiluisaarluinnarnissaq aammalu avatangiisit illersorneqarnissaannik paasinnilluinnarneq malillugu imminut nammassinnaasumik tunngaveqartumik, pisarnissaa qulakkeerniarlugu siunertaraa.

Malittarisassami innuttaasunut, illumik piginnittunut, suliffeqarfinnut kommunimullu pisussaaffiit pinsinnaatitaanerillu aalajangersarneqarput.

2. Inatsisitigut tunngavik

- 2.1 Malittarisassaq una uku naapertorlugit suliarineqarpoq:

- Uuliamik kemikalianiillu eqqakkat pillugit Namminersornerullutik Oqartussat nalunaarutaat nr. 29, 17. september 1993-imeersoq
- Eqqakkat peerneqarnissaat pillugu Namminersornerullutik Oqartussat nalunaarutaat nr. 28, 27. september 1993-imeersoq
- Avatangiisit illersornissaat kingusinnerusukkat allannguutilik pillugu Inatsisartut peqqussutaat nr. 12, 22. december 1988-imeersoq

3. Atuuffia

- 3.1 Malittarisassaq una Kommuneqarfik Sermersuumi sumiiffinni kommunimit illoqarfinnut nunaqarfinnullu killeqarfiit iluini pilersaaruserfigineqarsimasunut atuuppoq.

- 3.2 Malittarisassaq illumik piginnittunut, attartortut, innuttaasunut suliffeqarfinnut, paaqqinnittarfinnut, mittarfinnut, heliportinut, umiarsualivinnut il.il. nunaminertani sanaartorfigineqanngitsuni tamani avatangiisimut ulorianartunik igitaqarsinnaasunut atuuppoq.

- 3.3 Malittarisassami eqqakkanik avatangiisimut ulorianartunik tamanik suliarinninnissaq peersinissarlupineqarput.

Eqqakkani avatangiisimut ulorianartuni eqqakkat avatangiisinut ulorianartut uuliamik kemikalianiillu eqqakkat pillugit Namminersornerullutik Oqartussat nalunaarutaanni nr. 29, 17. september 1993-imeersumi ilaasut tamarmik pineqarput.

- 3.4 Inoqutigiinnit illunilu atukkanit (tulliuttumi "illuni atukkanik" taagorneqartunit) eqqakkat avatangiisimut ulorianartut assersusutigalugu makkuupput: illuni atukkaneersut kemikaliat sinneri, batteriit atortullu allat tamarmik immeqqissinnaasunik batteriillit, uuliakut, qalipaati sinneri, terpenitina, igitat elektroniskiusut, nillataartitsiviit/qerititsiviit il.il.

- 3.5 Suliffeqarfinniit oqartussaasut namminersortullu paaqqinnittarfiiniit, umiarsualivinniit il.il. (tulliuttuni "suliffeqarfinnik" taagorneqartut) eqqakkat avatangiisimut ulorianartut ilaatigut makkuupput:

- uuliakut
- kemikaliamit eqqakkat
- silisinermi pujoralaat asbestertallit
- eqqakkat saffiugassartallit
- nakorsaatinik eqqakkat
- poortuutit uuliamik kemikalianilluunniit imaqarsimasut
- batteriit saffiugassartallit

- 3.6 Eqqakkat avatangiisimut ulorianartut nalunaarummi nr. 29-mi taaneqarsimanngitsut, aammalu eqqakkat nalunaarummut ilanngussani 1-imi 2-milu taaneqartunut naleqqersuunneqarsinnaasut, Kommuneqarfik Sermersuumit Avangiisinut Pinngortitamullu Aqutsisoqarfik attaviginiarpaa, eqqakkat avatangiisimut ulorianartut naatsorsuunneqarsinnaanersut aalajangiiffiginarlugu taamaalillutillu malittarisassamut uunga ilanngunneqassallutik.

- 3.7 Malittarisassami eqqakkat qaarsinnaasut, imminut kukussinnaasut radioaktiivimillu qinngornillit ilaangillat.

3.8 Kommunip qaarsinnaasunik igitassalik imaluunniit imminut kukussinnaasunik igitalik igitassap tunniunneqannginnerani qaarsinnaajunnaartitsinissaanik imminullu kukussinnaajunnaartitsinissaanik peqqussuteqarfigisinnaavaa.

4. Igitassaatillip pisussaaffii

Immikkoortiterinissamut pisussaaneq

4.1 Illuutilit, attartortut, suliffeqarfiit, paaqqinnittarfiit, umiarsualiviit il.il., ataatsimut "igitassalittut" taagorneqartut, illunik piginnittut, attartortut, suliffeqarfiit, umiarsualiviit, paaqqinnittarfiit allallut, tamarmik eqqakkanik avatangiisimut ulorianartunik igitassanit allaniit immikkoortitsinissaminnut pisussaapput.

4.2 Eqqakkat avatangiisimut ulorianartut kuuffinnut erngulluunniit maangaannartup suliarineqartarfianut kueqqusaanngillat; aammattaaq nunamut inissinneqaaqqusaanatillu matoorunneqaaqqusaanngillat.

4.3 Igitassaatillip eqqakkat avatangiisimut ulorianartut assigiinngitsut akulerutinnginnissaat aammalu eqqagassat sapinngisamik pisiarineqarnerminni puuiniitiinnarneqarnissaat qulakkiissavaa.

4.4 Igitassaatillip eqqakkat tunniunneqarnerini immikkoortitersimanissaat poortorsimanissaallu qulakkiissavaa, taamaalilluni suliarinninneq peqqissutsimut avatangiisinullu isumannaatsumik isumagi-neqarniassamat.

Katersisarneq uningatitsisarnerlu

4.5 Eqqakkat sumiiffinni tamanit atorneqartunut inissinneqaaqqusaanngillat.

4.6 Eqqakkat avatangiisimut ulorianartut sukkulluunniit avatangiisinut isumannaatsumik inissinneqarsimassapput, taamaalilluni silaannarmik, nunamik, imermik sikumilluunniit mingutsitsisinnaaneq pin-ngitsoortinneqarniassamat. Eqqakkat imerpalasut sequtsikkalluunniit pulverit poortorneqarsimasussaapput.

4.7 Kialuunniit eqqakkanik avatangiisimut ulorianartunik mingutsitsisup imaluunniit najugaqarfiutimini taamatut mingutsitsinermik paasinnittup piaarnerpaamik tamatumingga kommunimut nalunaa-rutiginnittarnissaa tamanut atuuppoq.

Suliffeqarfinni katersineq inissiinerlu

4.8 Eqqakkat avatangiisimut ulorianartut ima inissisimassapput nakkutilliisut tungaanniit misissuinis-samut tikittariaannaassallutik.

4.9 Eqqakkat avatangiisimut ulorianartut kemikalianit pigineqartunit pitarneqarsinnaanngitsumik aala-jaatsumik ussissumillu allequtserlugit inissinneqarsimassapput, aammalu poorisap annersaasup imarisinnaasaanut naapertuuttumik kuisisoonikkut katersorneqarsinnaasussatut illuarsineqarsi-massallutik. Kommune sukumiisumik nalileereernermit inissiivissamik allamik akuersissuteqar-sinnaavoq.

4.10 Eqqakkat avatangiisimut ulorianartut ussissumut poorlugit inissinneqassapput, imalu inissinneqar-simassallutik poortuutaani ussiinneqalissagalluarpat ajornanngitsumik takuneqarsinnaassallutik.

4.11 Eqqakkat assigiinngitsut imminnut akuliuteqqusaanngillat sapinngisamillu pisiarineqarnerminni puuiniitinneqassallutik. Taamaattoqanngippat eqqakkat suunerinik nalunaarlualugu erseqqissumik allagartalerneqassapput.

4.12 Eqqakkat avatangiisinut ulorianartut assartorneqannginnerini suliffeqarfiup eqqakkat poortuutissanut akuerineqarsimasunut isumannaatsumik poortorneqarsimanissaat qulakkiissavaa. Kommune-qarfik Sermersuumi Sanarfinermut Avatangiisinullu Ingerlatsiviup poortuutissanut piumasaqaatit erseqqinnerusumik aalajangersassavai.

4.13 Kukkusumik imaluunniit naammangitsumik poortuineqarsimatillugu Kommuneqarfik Sermersuumi Sanarfinermut Avatangiisinullu Ingerlatsiviup pissutsit iluarsivigineqarnissaat piumasarisinnaa-va.

4.14 Poortuutissap akuerineqarnissaanut eqqakkap taassuma pineqartup inissinneqarnissaanut assar-torneqarnissaannullu ussiitsuunissaa piukkunnartuunissaalu piumasarinqarpoq. Imerpalasut sak-

kortuut poortuutini plastikini uninngatinneqassapput. Eqqakkat assartugassat ulorianartut assartornissaannut malittarisassanut ilaappata malittarisassat taakku naapertorlugit poortuutit UN-imit akuerineqarsimasut atorneqartassapput.

- 4.15 Eqqakkat avatangiisimut ulorianaatillit poortorneqartarnissaat pillugit immikkut Paamiut, Arsuq, Tasiilaq, Kuummiut Kulusuk, Tiniteqilaaq, Semerligaaq Isortorlu malittarisasaqarput: takuuk ilanngussa 4.

5. Paasissutissiinissamut pisussaaffik

Illuni atukkat

- 5.1 Illuni atukkanit eqqakkanik avatangiisimut ulorianartunik tunniussinermit igitap suuneranik il.il. paasissutissat soqutigintartut tamarmik nalunaarutigineqartassapput.

Suliffeqarfiit

- 5.2 Suliffeqarfiit eqqakkat avatangiisimut ulorianartut kommunimut nalunaarutigisassavaat. Nalunaarummi makku takuneqarsinnaassapput: igitat suut pineqarnerisut, ukiumut igitat annertussusaasa missingersornerat, igitat qanoq issusaat, qanoq ittumik poortorneqarsimanersut, ulorianassusaat aammalu ukiumut qasseriarluni tunniussinissamik missiliuinerit. Nalunaarutiginninnissamut immer-sugassat akeqanngitsumik kommunimit imaluunniit kommunip eqqaaveqarfianit pineqarsinnaap-pu.
- 5.3 Eqqakkat avatangiisimut ulorianartut tunniunneqarnerminni nalunaarutiginninnermik malitseqartas-sapput. Nalunaarutiginninneq immersugassamut immikkut ittumik kommunimit eqqaaveqarfimmii-lluunniit piniarneqarsinnaasumut pisassaaq.
- 5.4 Nalunaarutip assilinerat tunniussisarfinni tiguneqarsimaneranut uppersaaitit igitassaatilimmut nassiunneqassaaq. Uppersaait nakkutilliisumut uppersaaitissatut suliffeqarfimmit uninngatin-neqartariaqarpoq.
- 5.5 Eqqakkat avatangiisimut ulorianartut poortorsimasut nalunaarutiginninnermut normumik, eqqakka-nut sunut atanerannik ulorianassusaannillu allassimasumik allagartalerneqarsimassapput. Allagar-taq imermit pitarneqarsinnaassanngilaq.
- 5.6 Aammattaaq igitassaatik annertussutsip, eqqakkanik immikkoortunik sumullu tunniunneqarfissaa-nik assartuisumut paasissutissiinissaminut pisussaavoq.

6. Eqqakkanik avatangiisimut ulorianartunik eqqussineq

- 6.1 Suliffeqarfiit Kommuneqarfik Sermersuumut avataaniit eqqakkanik avatangiisimut ulorianartunik eqqussiniartut, kingusinnerpaamik eqqussinissaq sap. akunnerinik arfineq pingasunik sioqqullugu tamatumingga kommunalbestyrelsimut nalunaaruteqassapput.
- 6.2 Eqqussinissaq kommunip ingerlataanit peerneqassappat imaluunniit kommunimi eqqakkanik ava-tangiisimut ulorianartunik pioreersut annertussusaannut ajornartorsiortitsinissaat nalilerneqassap-pat Kommuneqarfik Sermersuumit tamanna itigartissutitigisinnaavaa. Itigartitsinermik aalajanger-neq kingusinnerpaamik nalunaarutiginninnerup kingorna sap.akunneri tallimat qaangiutsinnagit na-lunaarutigineqassaaq.

7. Eqqakkat avatangiisimut ulorianartut peerneqarnerat

- 7.1 Illuninngaanniit eqqakkat avatangiisimut ulorianartut ilanngussa 1-imi aalajangersakkat naapertor-lugit peerneqartassapput.
- 7.2 Suliffeqarfinniit eqqakkat avatangiisimut ulorianartut ilanngussa 2-mi aalajangersakkat naapertor-lugit peerneqartassapput.
- 7.3 Eqqakkanut avatangiisimut ulorianartunut kommunip aqqissuussai kommunalbestyrelse sinner-lugu Nuummi Eqqakkanik tigooraavimmiit isumagineqasapput. Nuummi Eqqakkanik tigooraaviup akisussaaffii suliaasaalu ilanngussa 3-mi allaaserineqarsimapput.

8. Aqqissuussamik atuinissamik pinngitsoortitaaneq

Illuni atukkat

- 8.1 Tunniussinissamut aqqissuussamut ilaanissamut pisussaaffiusumit immikkut akuerineqarnissamut periarfissaqanngilaq.

Suliffeqarfiit

- 8.2 Naalakkersuisut qinnuteqaateqareernerup kingorna suliffeqarfiit tunniussisarnermut aqqissuussami peqataanissaannut pinngitsoortitaasinnaaneranik nalunaarfigisinnaavai, suliffeqarfiup eqqakkat avatangiisimut ulorianartut peerneqarnissaat avatangiisinut isumannaatsumik nammineq isumagisaminik suliarinnissinnaassappat. Aammattaaq pinngitsoortitsineq kommuniq tunniussisarnermut peersisarnermullu aqqissuussaannut annertussutsip tunngavianut ingerlatsinerup takkunanga ajornartorsiortinneqalersinnaaneraniq sunnuteqassanngilaq.
- 8.3 Pinngitsoortitaanissaq pillugu qinnuteqaat Uuliamik kemikalianillu eqqakkat pillugit Namminersornerullutik Oqartussat nalunaarutaanni nr. 29, 17. september 1993-imeersumi § 10 malillugu suliarineqassaaq.
- 8.4 Qinnuteqartup qinnuteqaammi eqqakkat pineqartut qanoq suliarineqarnissaannik peerneqarnissaannillu eqqarsaatigineqartut erseqqissumik nalunaarusiussavai.
- 8.5 Tunniussinissamut pisussaannermit immikkut akuerineqarneq pillugu qinnuteqaat Kommuneqarfi Sermersuumut tunniunneqassaaq, taassumalu qinnuteqaat Avatangiisinut Pinngortitamullu Aqutsisoqarfimmuq ingerlateqqissavaa.
- 8.6 Suliffeqarfiit tigooraavik pillugu aqqissuussamik atuinnginnissamik akuerineqartut Kommuneqarfik Sermersuumut nalunaaruteqartussapput immikkut ittumik akuersissummi tunngaviusut allannguuteqarsimatillugit.

9. Eqqakkat avatangiisimut ulorianartut assartornerat assartuisullu pisussaaffii

- 9.1 Inuinaat, suliffeqarfiit suliaqartitsisartulluunniit (assartuisartut) tunniussisarfimmuq eqqakkanik assartuisut, assartuinerup nalaani silaannaap, nunap, erngup sikulluunniit mingutsinnissaasa pinngitsoortinnissaannut mingutsitsisinnaanermulluunniit ulorianartoqalinnginnissaannut akisussaavoq. Eqqakkanik avatangiisimut ulorianartumik assartuineq assartuisullu pisussaaffii Paamiuni, Arsummi, Tasiilami, Kuummiuni, Kulusumi, Tiniteqilaami, Sermiligaami Isortumilu immikkut ittuupput; takuuk ilanngussaq 5.
- 9.2 Suliffeqarfimmiit tunniussisarfimmuq kemikalianik eqqakkat assartorneqarneri suliffeqarfiup pineqartup nammineq assartuinermik isumaginninneratigut imaluunniit kommuniq aallersitsineratigut pisinnaavoq.

10. Akiliut

- 10.1 Kinaluunniit eqqakkanik avatangiisinut ulorianartunik tunniussisoq, eqqakkat uninngatinnerinut, assartornerinut peerneqarnerinullu kommuniq aningaasartuutaannut matusissutissatut tamatumunga akiliummik kommunalbestyrelsimit sukkulluunniit aalajangerneqartumik akiliinissaminut pisussaavoq. Akiliutissat allattorsimaffiat ukiumoortumik aalajangersarneqartarpoq sumiiffinni tigooraavinnit imaluunniit kommuniq nittartagaatigut pissarsiarineqarsinnalluni.
- 10.2 Igitassaatilik eqqakkat avatangiisinut ulorianartut aaneqarnissaannik poortuutissanillu imaqqanngitsunik agguissisoqarnissaannik inniminniisimasooq akiliutinik sukkulluunniit aalajangersarneqarsimasunik akiliissaaq. Paamiuni, Arsummi, Tasiilami, Kuummiuni, Kulusumi, Tiniteqilaami, Sermiligaami Isortumilu malittarisassat immikkut ittuut atuupput; takuuk ilanngussaq 6.
- 10.3 Eqqakkat immikkut ittut tunniunneqarnerinut kommunalbestyrelsimit aalajangikkamik akiliummik peqqanngippat, taakku uninngatinnerinut, assartornerinut peerneqarnerinullu attuumassuteqartumik aningaasartuutit akilernerneqassapput. Tasiilami, Kuummiuni, Kulusumi, Tiniteqilaami, Sermiligaami Isortumilu malittarisassat immikkut ittuut atuupput; takuuk ilanngussaq 6.
- 10.4 Akiliutit igitassaatilip pisussaaffigai, akiliutillu igitassaatilimmuq akiligassanngortinneqartassapput.

11. Nakkutillineq

- 11.1 Kommuneqarfik Sermersuup eqqakkat avatangiisimut ulorianartut inatsimmuq malittarisassamilu uani innersuussutinut naapertuuttumik uninngatinneqarnissaat, katersornissaat, tunniunneqarnis-

Eqqakkanut avatangiisimut ulorianartut peerneqartarnissaannut malittarisassaq

saat suliarineqarnissaallu nakkutigisarissavai.

- 11.2 Igitassaatikil kinaluunniit suliffeqarfiup suliffiunut tamanut Kommuneqarfik Sermersuup nakkutiliisuisa kinaanermik upernarsaareenikkut isertinnissaannut pisussaapput.
- 11.3 Malittarisassami uani aalajangersakkat akerlianik arlaannik paasinnittoqassappat, Kommuneqarfik Sermersooq piffissaliussap iluani pissutsit malittarisassanut naapertuutitilerlugit iluarsineqarnissaannut peqqussuteqarsinnaavoq.
- 11.4 Pissutsit piffissaliussap iluani iluarsineqanngippata, Kommuneqarfik Sermersuup akisussaaffillimmut akiligassanngorlugit iliuusissat suliaritissinnaavai.
- 11.5 Igitassaatikil Kommunalbestyrelsip qinnuiginninneratigut pisussaavoq eqqakkat annertussusiinik aamma avatangiisimut ulorianaatillit suunerinik, assartuisunik aamma peersineq atorpeqartoq pillugit il.il. Kommuneqarfik Sermersuumi Sanarfinermut Avatangiisinullu ingerlatsivimmud paasisutissiinissaminut.
- 11.6 Kommuneqarfik Sermersuumi Sanarfinermut Avatangiisinullu ingerlatsivik aamma paasissutissanik misissuinissaminut pisinnaatinneqassaaq.
- 11.7 Suliffeqarfiit umiarsualiviillu kommunalbestyrelsip qinnuiginninnera malillugu akeqanngitsumik atorlut, eqqakkat il.il. misissukkanik tunniussinisaminik pisussaapput aammalu kommunalbestyrelsip igitat avatangiisimut illersorneqarsinnaasumik peerneqarsimanissaat eqqarsaatigalugu misissueqqissaarneqarnissaat pillugit naliliinera malillugu, tamatumunnga atatillugu aamma allaganngorlugit upernarsaateqartinneqarnissaat.
- 12. Naammagittaaliuteqarneq**
- 12.1 Inatsisartut peqqussutaat nr. 12, 22. december 1988-imeersumi kapitali 10 naapertorlugu, kingorna allannguutaasinnaasut ilanngullugit, malittarisassami aalajangersakkat kiisalu taakku pillugit aalajangiinerit naammagittaaliutigineqarsinnaapput.
- 12.2 Kommunalbestyrelsip aalajangiinerinik naammagittaaliuteqartoqassappat tamanna Namminersornerullutik Oqartussanut ingerlateqqinneqassaaq, Avatangiisinut Pinngortitamullu Aqutsisoqarfik Postbox 1614, 3900 Nuuk. Tamatuma kingorna Aqutsisoqarfiup naammagittaaliutigineqartoq Inatsisartut avatangiisip illersorneqarnissaanut naammagittaaliuteqartarfianut ingerlateqqinneqassaaq.
- 12.3 Naammagittaaliuteqarnissamut piffissaritinneqarpoq ulloq aalajangiiffiusumiit sapaatip akunneri 6-it. Naammagittaaliutigineqartoq uninnгатinneqartarpoq naammagittaaliuteqartarfiup aalajangiinissaata tungaanut imaluunniit taassuma allatut aalajangiinissaata tungaanut.
- 13. Unioqutitsineq**
- 13.1 Malittarisassami uani aalajngersakkanik unioqutitsineq imaluunniit piumasaqaatinik sakkortuisanik Kommuneqarfik Sermersuumit peqqussutinik malinninnginneq akiliisitsinermik kinguneqartinneqarsinnaavoq, Uuliamik kemikalianillu eqqakkat pillugit Namminersornerullutik Oqartussat nalunaarutaanni nr. 29, 17. september 1993-imeersumi § 18 naapertorlugu.
- 14. Piginnaassuseqartitsineq**
- 14.1 Kommuneqarfik Sermersuumi kommunalbestyrelsip malittarisassamik uannga aalajangiussinermigut Sanarfinermut Avatangiisinullu Ataatsimiititalaq malittarisassami uani annertuallaanngitsunik imm. 4-mi 9-milu allannguuteqartitsisinnaaneranik, aammalu malittarisassamut ilanngussanik allannguuteqartitsisinnaaneranik, piginnaassuseqartilerpaa.
- 14.2 Aammattaaq Kommuneqarfik Sermersuumi kommunalbestyrelsip Sanarfinermut Avatangiisinullu Ingerlatsivik malittarisassaq una malillugu aalajangiisarnissaanik piginnaassuseqartippaa.
- 15. Atuutilernera**
- 15.1 Malittarisassap uuma atuutilerneranut peqatigitillugu Nuup Kommuneani eqqakkat avatangiisimut ulorianartut pillugit Malittarisassaq 22. april 2002-meersoq, Paamiut Kommuniani Uuliamik kemika-


Eqqakkanut avatangiisimut ulorianartut peerneqartarnissaannut malittarisassaq

lianillu eqqakkat pillugit malittarisassaq 2004-mi aprilimeersoq kiisalu Ammassallip Kommuniani Uuliamik kemikalianillu eqqakkat pillugit malittarisassaq 23. august 2004-meersoq atorunnaarsineqarput.

- 15.2 Malittarisassaq atortussanngortinneqarpoq ulloq 1. januar 2009.
- 15.3 Taamaalilluni Kommuneqarfik Sermersuumi kommunalbestyrelsimit akuerineqarpoq ulloq 17. marsi 2009.



Asii Chemnitz Narup
Borgmester



Niels Kreutzmann
Administrerende Direktør

ILANNGUSSAQ 1

Illuni atukkanit Nuummi, Qeqertarsuatsiaani Kapisilinnilu eqqakkanut avatangiisimut ulorianartunut aaqqiinerit

Eqqakkat suuneri	Qanoq peerneqarnissaannut innersuussineq
<p>Eqqakkat avatangiisimut ulorianartut nakorsaatiit igitat ilann-gunnagit</p> <ul style="list-style-type: none"> Tassunga ilanngullugit kemikaliat illuni atugassiat sinnikui, atortut batteriik immeqqissinnaasunik imallit, uuliakut, qalipaatiit sinnikui, terpentina, igitat elektroniskiusut, nillataartitsiviit/gerititsiviit il.il. 	<p>Nuup illoqarfia Nuummi Eqqakkanik tigooraavimmut nammineerluni tunniussisarfirmi sulisunut saaffiginnikkut tunniunneqassapput.</p> <p>Kapisilinni Qeqertarsuatsiaanilu Nunaqarfimmi ikuallaavimmut nammineerluni ikuallaavimmi nakkutilliusumut saaffiginnikkut</p>
<p>Nakorsaatiit igitat Tassunga ilanngullugit nakorsaatiit sinneri kapuutillu.</p>	<p>Nuup illoqarfia Dr. Ingridip Naapparsimavianut nammineerluni saaffiginnikkut tunniunneqassapput.</p> <p>Kapisilinni Qeqertarsuatsiaanilu Napparsimaveeqqamut nammineq saaffiginnikkut tunniunneqassapput.</p>
<p>Batteriit</p> <ul style="list-style-type: none"> Batteriit immeqqinneqarsinnaasut, batteriit tungmetalillit batteriillu allat. 	<p>Nuup illoqarfia Uunga tunniunneqassapput:</p> <ul style="list-style-type: none"> Nuummi Eqqakkanik tigooraavimmut nammineerluni tunniussisarfirmi sulisunut saaffiginnikkut; imaluunniit pisiniarfimmi assigisaanniluunniit karsinut batteriik katersiffiusunut <p>Kapisilinni Qeqertarsuatsiaanilu Uunga tunniunneqassapput:</p> <ul style="list-style-type: none"> nunaqarfimmi ikuallaavimmut nammineerluni ikuallaavimmi nakkutilliusumut saaffiginnikkut

Aammattaq eqqakkanik avatangiisimut ulorianartunik Nuummi Eqqakkanik tigooraavimmut tunniussineq malittarisassiat Nuummi Eqqakkanik tigooraavimmi piniarneqarsinnaasut malillugit pisassaaq.

B. Illuni atukkanit Tasiilami, Kuummiuni, Kulusumi, Tiniteqilaami, Sermiligaami Isortumilu eqqakkanut avatangiisimut ulorianartunut aaqqiinerit

Uuliamik kemikalianillu eqqakkat kommunip eqqakkanik tigooraavianut tunniunneqassapput imaluunniit sumiiffimmi kommunip sulisunik aqutsisuanut. Katersineq Sanarfinermut Avatangiisinullu ingerlatsivimmit aqunneqarpoq. Aalajangersakkat Sanarfinermut Avatangiisinullu ingerlatsivimmit pineqarsinnaapput.

C. Paamiuni Arsummilu eqqakkanut avatangiisimut ulorianartunut aaqqiinerit

Uuliamik kemikalianillu eqqakkat eqqaaviup eqqaani kommunip tigooraavianut tunniunneqassapput.

ILANNGUSSAQ 2

Nuummi, Kapisilinni Qeqertarsuatsiaanilu inuutissarsioritunit eqqakkanut avatangiisinut ulorianartunut aaqqiinerit

Eqqakkat suuneri	Qanoq peerneqarnissaannut innersuussineq
<p>Suliffeqarfanniit eqqakkat avatangiisinut ulorianartut</p> <ul style="list-style-type: none"> Uuliakut, kemikaliniit igitat, silisinermit pujoralaat asbestertallit, eqqakkat tungmetalilit, nakorsaatiniit igitat, poortuutit uuliamik kemikalianulluunniit atortunik imaqarsimasut, akkumulaatorit, igitat elektroniskiusut, nillataartitsiviit/gerititsiviit aammalu eqqakkat avatangiisinut ulorianartut allat 	<p>Nuup illoqarfia Nuummi Eqqakkanik tigooraavimmut nammineerluni tunniussisarfirmi sulisunut saaffiginninnikkut tunniunneqassapput.</p> <p>Kapisilinni Qeqertarsuatsiaanilu Nuummut assartorneqartassapput Nuummilu ikuallaavimmut tunniunneqarlutik. Taamatuttaaq eqqortumik poortorneqarsimallutillu allagarserneqartassapput. Taamaattoq annertuallaangitsut nunaqarfimmi ikuallaavimmik nakkutilliisumut tunniunneqarsinnaapput.</p>
<p>Nakorsaatit igitat</p> <ul style="list-style-type: none"> Tassunga ilanngullugit nakorsaatit sinneri kapuutillu. 	<p>Nuup illoqarfia Dr. Ingridip Naapparsimavianut nammineerluni saaffiginninnikkut tunniunneqassapput.</p> <p>Kapisilinni Qeqertarsuatsiaanilu Nuummut assartorneqartassapput Dr. Ingridillu Napparsimavianut tunniunneqarlutik. Taamaattoq annertuallaangitsut Napparsimaveeqqamut nammineq saaffiginninnikkut tunniunneqassapput.</p>
<p>Batteriit minnerit</p> <ul style="list-style-type: none"> Batteriit immeqqinneqarsinnaasut, batteriit tungmetalilit batteriillu allat. 	<p>Nuup illoqarfia Nuummi Eqqakkanik tigooraavimmut nammineerluni tunniussisarfirmi sulisunut saaffiginninnikkut tunniunneqassapput.</p> <p>Kapisilinni Qeqertarsuatsiaanilu Nunaqarfimmi ikuallaavimmik nakkutilliisumut tunniunneqassapput.</p>

Aammattaq eqqakkanik avatangiisimut ulorianartunik Nuummi Eqqakkanik tigooraavimmut tunniussineq malittarisassiat Nuummi Eqqakkanik tigooraavimmi piniarneqarsinnaasut malillugit pisassaaq.

B. Tasiilami, Kuummiuni, Kulusumi, Tiniteqilaami, Sermiligaami Isortumilu inuutissarsioritunit eqqakkanut avatangiisinut ulorianartunut aaqqiinerit

Uuliamik kemikalianillu eqqakkat kommunip eqqakkanik tigooraavianut tunniunneqassapput imaluunniit sumiifimmi kommunip sulisunik aqutsisuanut.

Igitat poortorsimasut kommunimi Sanarfinermut Avatangiisinullu ingerlatsivimmut saaffiginninnikkut akillu attuuttut malillugit akilernerqartusamik aaneqarsinnaapput.

Katersinermut aaqqissuussineq Sanarfinermut Avatangiisinullu ingerlatsivimmi aqunneqarpoq.

Uuliamik kemikalianillu katersineq malittarisassat malillugit ingerlanneqartarpoq, Sanarfinermut Avatangiisinullu ingerlatsivimmit piniarneqarsinnaasunik.

C. Paamiuni Arsummilu inuutissarsioritunit eqqakkanut avatangiisinut ulorianartunut aaqqiinerit

Suliffeqarfiit eqqakkanik avatangiisimut ulorianaatilinnik namminneq peersinnissamat akuersissuteqanngitsut eqqakkanik Paamiut eqqaavianni tigooraavinnut tunniussissaapput. Malittarisassasmi uani immikkoortoq 10 malillugu igitat suliarineqarqinnissaannut kommune akiliisitsisarpoq.

Ilanngussaq 3

Nuummi Eqqakkanik tigooraaviup akisussaaffii pisinnaatitaaffiilu

1. Kemikalianit eqqakkat eqqarsaatigalugit eqqakkanut avatangiisinut ulorianartunut tigooraasarfikkut akuerineqarsimasukkut eqqakkat katersorneqarsimasut peerneqarnissaat Nuummi Eqqakkanik tigooraaviup qulakkiissavaa, eqqakkat avatangiisinut ulorianartut sinneri avatangiisinut isumaanaatumik atueqqinnissamullu akuerineqartumut, Saviminernut eqqaavimmut imaluunniit Nuummi Ikuallaavimmut peerneqartassallutik.
2. Tunniussinissamut aaqqissuussaasunut atatillugu Nuummi Eqqakkanik tigooraavik pisariaqartunik isumannaallisaateqartassaaq. Tunniussinermi aaqqissuussamut atatillugu sulinermi avatangiisinut isumannaallisaanermullu pissutsit Nuup Eqqakkanik tigooraaviata qulakkiissavai.
3. Nuup Eqqakkanik tigooraavianit katersinerup assartuinerullu isumagineqarsimasut kingunerisaannik Nuup ikuallaavia userartuinaveersaarluniluunniit mingutsitsinaveersaassaaq. Ilanngullugu qulakkeerneqassaaq igitsinermi silaannaap, nunap erngullu mingutserneqannginnissaat.

ILANNGUSSAQ 4: Poortuutitut piunasaqaat

A. Paamiuni, Arsummi, Tasiilami, Kuummiuni, Kulusumi, Tiniteqilaami, Sermiligaami Isortumilu poortuutitut piunasaqaat.

Eqqakkat trommilinut saviminernut plastikkinulluunniit 1/1, 1/2 imaluunniit 1/4 –nut immiunneqassapput. Igitanut imerpalasunut trommilit simittallit imerpalasuunngitsunullu matut aalajangerneqarsinnaasut atorneqassapput. Aammattaaq dunkit savimerngit plastikkilluunniit 5-25 liiterit atorneqarsinnaapput.

Toqunartulinnut puut imaqaanngitsut, nakkartitsiviit kinnganeri assigisaallu plastikkimut poorneqassapput.

Pappit pappialallu poortuutissatut akuerineqarsinnaanngillat.

Ilanngussaq 5: Assartuisup pisussaaffii

A. Paamiuni, Arsummi, Tasiilami, Kuummiuni, Kulusumi, Tiniteqilaami, Sermiligaami Isortumilu assartuisup pisussaaffii

Eqqakkanik assartuilluni suliaqartup akisussaaffigivaa eqqakkat immikkoortiterneqarsimanissaat kiisalu puuisa nalunaaqutserneqarsimanissaat il.il. tamatumani aalajangersakkat malillugit.

Eqqakkanik assartuilluni sulisoq Kommuneqarfik Sermersuumi Sanarfinermut Avatangiisinullu ingerlatsvimmut assartukkat annertussusiannik iginneqartunillu paasissutissiisussaavoq aamma igitassaatilinnit ataasiakkaanit tiguneqartut ilanngullugit.

Kommuneqarfik Sermersuumit sullissisup nalunaaruteqartarnera paasissutissiineralu pillugit aalajangersakkat ersarinnerusut aalajangersarneqassapput.

Ilanngussaq 6: Akiliutinut malittarisassat

A. Tasiilami, Kuummiuni, Kulusumi, Tiniteqilaami, Sermiligaami Isortumilu akiliutinut malittarisassat

Akiliutissat igitassaatilinnit akilernerqartassapput, kommune aqqissuussinermut tunngatillugu nammineq immikkut tamakkiisumik ilaannakortumilluunniit aningaasartuutinik akiliisarnissamik aalajangiisimatinnagu.

Akinik allattorsimaffik kommunalbestyrelsip akuerisaani nalunaarsimanngitsut Kommunekemi A/S-imit akilernerqartassapput sukulluunniit akit atuuttut malillugit, igitat suuneri tunngavigalugit uninngatinneqarnerinut assartorneqarnerinullu kommunip aningaasartuutaanut ilanngullugit.

Ilanngussaq 7: Ittoqqortoormiit illoqarfianni eqqakkat avatangiisimut ulorianaatillit peerneqartarnerat

Ittoqqortoormiit illoqarfianni eqqakkat avatangiisimut ulorianaatillit peerneqartarnerannut nalunaarutit atuuttut ukuupput:

- Uuliamik kemikalianiillu eqqakkat pillugit Namminersornerullutik Oqartussat nalunaarutaat nr. 29, 17. september 1993-imeersoq
- Eqqakkat peerneqarnissaat pillugu Namminersornerullutik Oqartussat nalunaarutaat nr. 28, 27. september 1993-imeersoq
- Avatangiisit illersornissaat kingusinnerusukkut allannguutilik pillugu Inatsisartut peqqussutaat nr. 12, 22. december 1988-imeersoq

Taakku saniatigut atortinneqartut:

Ittoqqortoormiit illoqarfianniit batteriit immikkoortinneqartut Sanarfinermut Avatangiisinullu ingerlatsivimmut tunniunneqartassapput.

Eqqakkat allat avatangiisimut ulorianaatillit Eqqaavimmi tigooraavimmut tunniunneqassapput.

Igitat ulorianaateqarsinnaasut, soorlu kapuutikut, mattusersuutikut peqqinnissaqarfimmiillu igitat assigisaallu Sanarfinermut Avatangiisinullu ingerlatsivimmi eqqaavilerisup saaffigineqareerneratigut ikuallatassanngorlugit tunniunneqassapput.